

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 017052 22 V

Novi Travnik, 09.09.2022. godine

Kantonalni sud u Novom Travniku, sutkinja Stana Imamović, u vanparničnom postupku predlagateljice S.D., rođena R., kći P. nastanjena u A., ..., po punomoćniku Bruni Božić, advokat iz Travnika, ulica ..., protiv protivnika predlagatelja P. D. nastanjen u A., ..., ..., radi priznanja strane sudske odluke o razvodu braka, dana 09.09.2022. godine donio je sljedeće:

RJEŠENJE

Priznaje se Rješenje o razvodu braka Okružnog suda u Döbling, Odjeljenje 2, broj 2 Fom 10/18b-5 182/16 godine od 03.05.2018. godine, u pravomoćna 12.04.2018. godine, kojim je sporazumno razveden brak između predlagateljice S.D., rođena R., kći P., ... godine u J., B i H i protupredlagatelja P. D. nastanjen u Austriji, rođen ...godine, koji je zaključen ... godine pred Matičnim uredom Wien-Währing, broj matične knjige 10046/2018 i upisan u matičnoj knjizi vjenčanih koja se vodi za mjesto Jajce pod rednim brojem 109. za 2022. godine.

Troškove postupka snosi predlagateljica.

Obrazloženje

Predlagateljica je 05.09.2022. godine podnijela prijedlog za priznanje naveden strane sudske odluke o razvodu braka. Uz prijedlog je dostavila stranu sudsku odluku u originalu, prijevod odluke od ovlaštenog sudskog tumača za njemački jezik sa područja BiH, međunarodni vjenčani list od 05.05.2022. godine broj 00967/2022, izvod iz matične knjige vjenčanih izdat od Matičnog ureda Općine Jajce broj 07-10-3-1283/22 od 24.08.2022. godine, izvod iz matične knjige rođenih za predlagateljicu izdat od Matičnog ureda Općine Jajce broj 07-10-1-9411/22 od 28.04.2022. godine, original punomoć za zastupanje predlagateljice po punomoćniku Bruni Božić, advokat iz Travnika i dokaz o uplati sudske takse za prijedlog u iznosu od 100,00 KM.

Na osnovu priložene dokumentacija ovaj sud je utvrdio da se radi o pravomoćnoj stranoj sudskoj odluci o razvodu braka koji je zaključen 03.05.2011. godine između državljanke Bosne i Hercegovine i državljanina Austrije i upisan u matičnoj knjizi vjenčanih koja se vodi za mjesto Jajce pod rednim brojem 109 za 2022. godine, da su u postupku razvoda braka učestvovala obje vanparnične stranke, da odluka o razvodu braka nije protivna odredbama Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak i da predlagateljica, kao državljanica Bosne i

Hercegovine ima pravni interes da se činjenica razvoda braka upiše kod nadležnog matičnog ureda u Bosni i Hercegovini.

Iz navedenih razloga odlučeno je kao u izreci ovoga rješenja u skladu sa odredbama člana od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ" broj 43/82, 72/82, "Službeni list Republike BiH" broj 02/92), koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku („Službene novine Federacije BiH“ broj 53/03, 73/05, 19/06 i 98/15) i članom 28. stav 3. točka e) Zakona o sudovima u Federaciji Bosne i Hercegovine ("Službene novine Federacije BiH" broj 38/05).

Na temelju Tarifnog broja 1. točka 10. i Tarifnog broja 2. stav 1. koji je sastavni dio Zakona o sudskim taksama ("Službene novine SBK/KSB" broj 4/2017 i 15/20), predlagateljica je dana 22.07.2022. godine uplatila sudsku taksu u iznosu od 100,00 KM.

Sutkinja
Stana Imamović